

**Kugbɔnku kua
Saak
kɛle' kù nnɔ
Nà wɔngeh kugbɔnku kuu te
ma bo**

Tigber tà te Saak ya gbɔnku ni yé miwɔknm nɛ ki saakreh Kristo ya táan yà te uɔɛndun ni ni'kɛ saan nnɔ ya nib ya gbɛnɛnt. Saak kɛle' tù ki de' binib bà nnɔ lii yé Sufmbɛ bà teke' Kristo ki jin' nɛ.

Kugbɔnku kuu wɔngeh Kristo yaab miyɛnfuom mà li tore bɛ, bɛ ní li fuobe mitekjim ye ma bo nɛ. Unil teke' Uwien ki jin' la, u li sɔnh mitekjim ya tòn nɛ. U'tòn nnɔ wɔngeh ki teh u fuobe mɔnmɔnm Uwien ya nun bó (2:14-26).

Kugbɔnku kuu ni Saak tɔkeh bà ya nun mɔn bɛ ní ɛ lifaal nɛ ki teh bi la li likeh bijiinb fɛnm. U tɔkeh bifàadɛnb mɔ ki teh bi taah bi'faal ki teh nà nnɔ nɛ cèreh bi'faal nnɔ ɲa mɔn (5:1-6).

Kugbɔnku kuu ya fɔrm tɔkeh Kristo yaab ki teh bɛ ní li toreh tɔb, kí li kàareh ki dienh tɔb, kí li toreh bà wiɛ' tigbɛmònt ya sɛn bɛ ní liebe kí paan usɛn nnɔ bo (5:7-20).

Ifuonde

¹ Min Saak, n yé Uwien nin Yonbdaan *Yesu Kristo ya tonsɔnl nɛ. N kieh kugbɔnku kuu ki fuondeh ninbi Israyel yaab ya baamul piik nin ile ya nib* bà yere' ki te uɔɛndun kɛ ni nnɔ nɛ.

* **1:1** *Israyel yaab ya baamul piik nin ile ya nib nnɔ li fre kí li yé Uwien ya nib kɛ mɔ.*

Li ηmabe mɛn kuminku mibiikm ni

² N'yaabɛ, *mibiikm mà kɛ ya bol lá tu' nɛ la, cère mɛn ni'kɛ ní li yé ni'bo uyɛnɲmaaciɛn.

³ Kimɛ ni bɛn ki ye mibiikm lu' ni'bo ηɔ na wiɛ' ni'tekjim la, mǐ faakreh nɛ ki diɛnh nɛ kuminku.

⁴ Cère mɛn ni'minku nnɔ ní tǐ fɔre ηɔ ní li yé binib bà mɔn ki tǐ gben' ka pɔre' niba.

⁵ Ni'ni miyɛnfuom pɔre' wà la, wɔ ní miɛ mè Uwien wà ηmabe tinimɔnt ki diɛnh binib kɛ faala, ka tiigeh uba nnɔ, nɛ u li de wɔ mè.

⁶ Ama wɔ ní miɛ nin mitekjim, ki la li ηmabe yɛnmaale ilele, kimɛ unil ηmabe iyɛnmaale ilele la, u naan tɛn iŋungbegbel yà kutafaaku joh ki findeh yè nɛ.

⁷ Udaan la li maaleh ki teh u li lɛ niba ti'Yonbdaan saan nɛ.

⁸ U ηmabe iyɛnmaale ilele nɛ, ka bɛn u li cinbe kí tukn yà u'tùon kɛ ni.

Tijiint nin lifaal ya gbɛr

⁹ Kristo yɔ wà yé ujiin la, wɔ ní li poknh, kimɛ Uwien kpiekɛ' wɔ ηɔ.

¹⁰ Wà mɔ yé ufàadaan la, u'mɔ ní li poknh, kimɛ Uwien jiiin' wɔ tingi ηɔ. Ufàadaan li gèbre tɛn mimɔpuum sokreh ma bo nɛ.

¹¹ Uwien puɔ' ki ben' ki sɛ' timuɔr la, tǐ yuɔnh nɛ, nɛ tu'puum ní sokre, ka ji ηmabe ŋuɔrku. Nnɔ nɛ ufàadaan nin u'tùon kɛ li juore fɛnm.

Mibiikm ya gbɛr

¹² Unil wà *mibiikm tu' wɔ ηɔ u ñikn' ka lu' mi'ni la, Uwien ya mɔnm te u'bo, kimɛ u ñikn' *mibiikm ni ki tǐ gben' la, u li lɛ limiɛl. Li ya suul nɛ Uwien pùon' ki ye u li de lè binib bà yíe wɔ nnɔ.

13 *Mibiikm tu' wà la, u la ye Uwien nε biike' wɔ, kimε niba ηa ní fre kí sure Uwien wɔ ní tien nà bre, nε u'mɔ ηa ní sure nil wɔ ní tien nà bre.

14 Ama unil kε ya nunfɔke nε díeh wɔ ticuɔr ki coh wɔ.

15 Unil ηmɔbe ununfɔke ki gbien' la, u cèreh u teh ibiere nε. Ibiere nnɔ mɔ tĩ yεbre' ki gbien' la, ì tukeh wɔ ki joh mikum ni nε.

16 N'yaab bà n yíe bε, la li lεreh mεn ni'ba tuu ya bont ni:

17 Mipum mà kε mɔn ki tĩ gben', ñeh paaki bó nε. Mì ñeh Uwien wà ñen' tiwenwent tà te paaki nnɔ saan nε. Wɔn nε ηa lèbreh, ka jèngèh, ka ηmɔbe cinñunl mɔ.

18 U yíe tε, ki cèrè' ti tien' u'yaab kí ñε u'gbεr tà yé tigbεmɔnt nnɔ bo, ηɔ tí li yé u ñen' tibont tà kε nnɔ ya senlierb nε.

Li cengeh mεn kí li teh ni ciih nà nnɔ

19 N'yaab bà n yíe bε, bende mεn kí ye nĩ mɔn unil kε ní pele itub kí li cengeh nε, ama wɔ ní cuo u'lenl, ki la cère u'benku ni mɔ ní li beh tontonm,

20 kimε unil ya benku ni ben' la, wa ji teh nà cuube Uwien ya nun bó.

21 Nεn bo, wiε mεn nà kε li kuɔn nε tijɔknt nin mibiεrciεnm ya tùon kε. Teke mεn tigbεr tà Uwien tien' tù ni'ni nnɔ nin lifèsɔngl, tun nε li fre kí ηmiεn nε.

22 La cèreh mεn ni'yεnm ní li sɔnge Uwien ya gbεr ya cengm baba bo, li teh mεn tù ye ma bo nnɔ mɔ. Na teh nnɔ la, ni lεreh ni'ba nε.

23 Unil cenge' Uwien ya gbεr, ka teh tù ye nà nnɔ la, u te tεn wà liike' u'ba kinunliik ni nε.

24 U liike' ki siere' la, i ya tàan bo, u pək kí sunde u bi laa' u'ba len ma bo nε.

25 Ama unil sekn' yiko ki bende' u yé yikomənmən, ki yé yiko wà li ñen wə ibiere ya yonbt ni, ki pε u'bo, ka yé yensundm ya nil, ki teh u ye ma bo la, Uwien ya mən m li te udaan bo u'tùon kε ni nε.

26 Unil ye u pε Uwien ya sən bo, ka coh u'lenl la, u lεreh u'ba nε. Nε u'Wien ya sən bo ya paanm nno mə yé fεnm nε.

27 Uwien ya sən bo ya paanm mà mən ki ñaan wən ti'Baa Uwien ya nun bó si: kí li toreh mutenkpiibumu nin bikpopiib bi'jènd ni, kí li coh a'ba, ki la cèreh uɲendun ya jəknt kəh ηε.

2

La buh mən uba ki cən' utə

1 N'yaabε, ninbi bà teke' ti'Yonbdaan *Yesu Kristo wà ηməbe ukpiεke ki jin' nno, ji la ηməbe mən gèngènde.

2 Kí lε uba baa' ki lá kən' ni'taanl ya duku ni, ki pii miñəkm ya gbiεk, ki guo tikpεlcəmənəmənt; nε utə mə baa' ki yé ujiin, ki guo ikpεlcεyɔyɔl la,

3 ni selndeh wà guo tikpεlcəmənəmənt nno cεen nε, kí təke wə kí ye: «Sin, kèle niε saan kibieκ kà mən bo,» kí təke ujiin nno mə kí ye: «Sin, sere niε bó» bii «Kèle tink ni n'taan bó.»

4 Nεn nε wəngɛh ki teh ni ηməbe igèngènde ni'ni, ki buh təb tibuur nin iyenmaalbiere.

5 N'yaab bà n yíe bε, cenge mən, Uwien gènde' binib bà yé bijiinb uɲendun wuu ni ηə bε ní li yé bifàadεnb mitekjim bo, kí li yé Uwien ya bεl ya

faajib. U là pùon' ki ye u li de lè binib bà yíe wə nnə nɛ.

⁶ Ama ninbi yih bijiinb fɛnm nɛ, ki boh bifàadɛnb. Bi ɛ ba wəbndeh nɛ ki taah nɛ ki jondeh tibuur-i? Na yé bɛn bifàadɛnb-ii?

⁷ Bɛn nɛ ɲa saah *Yesu ya yel-ii? Li ya yeñaanl nɛ ɲa cère' ni yé Uwien yaab-ii?*

⁸ Tɔ, yiko wà te *Uwien ya gbɔnku ni ki cɛn' u'tɔ nnə ye: «Li yíe a'tɔ tɛn a yíe a'ba ma bo.» Ni boh wə mən mən la, ni teh nà mən nɛ.

⁹ Ama ni ɲmɔbe igèngènde ni'ni la, ni teh ibiere nɛ. Nɛ yiko nnə li cère bɛ ń biin nɛ, kimɛ na bon' wə.

¹⁰ Wà kɛ boh yiko ya gber kɛ, ka lá bon' tuba mənɔn la, wa bon' yiko kɛ nɛ.

¹¹ Kimɛ wà len' ki ye: «La teh naɲmaal nnə», wən nɛ liɛbe' ki len' ki ye: «La ku nil mə.» ɲa tien' naɲmaal ama ki nín ku' unil la, ɲa bon' yiko nnə kɛ nɛ.

¹² Li lienh mɛn, kí li sɔnh tɛn binib bà Uwien li bu bɛ tibuur yiko wà cèreh binib ñɛh ibiere ya yonbt ni nnə bo.

¹³ Kimɛ wà ɲa muɔh cɛcɛkm la, Uwien mə li bu wə tibuur, ka ń muə wə cɛcɛkm. Ama wà muɔh micɛcɛkm ɲa jie buur ya daali.

Mitekjim mà ɲa ɲmɔbe tòn ya gber

¹⁴ N'yaabɛ, unil len' ki ye u ɲmɔbe mitekjim, ka sɔnh mi'tòn la, u ɲmɔbe kpele-ee? U'tekjim nnə li fre kí ɲmiɛn wə-ɔɔ?

¹⁵ Tɔ, kí ɛ ni'ninɛ uba bii ni'ninɛ uba ń li te ka ɲmɔbe wɛngolkaar, ka ɲmɔbe daali kɛ daali ya jier,

* **2:7** Migbiirm miɛ ya ciim te bolm mile bo nɛ: *Bɛn nɛ ɲa saah *Yesu ya yel-ii?* Bii bɛn nɛ ɲa saah liyeñaanl là Uwien de' nɛ lè nnə-ɔɔ?

16 nε ni'ni uba rí ji rí tǎke bε kί ye: «Ni'yaam rí li ημε, tí gole mεn, kί ji kί gbo,» ka de' bε nà pǎre' bε la, nί ηmǎbe kpele-ee?

17 Nnǎ nε mitekjim mà mǎ ηa sǎnh tuonl la, mί yé fεnm nε.

18 Tǎ, uba li ye: «Uba ηmǎbe mitekjim, nε utǎ sǎnh itùon.» N'mǎ li jiin' udaan kί ye: «Laan wuǎn nni a'tekjim mà ηa sǎnh tùon nnǎ, ηǎ min ya tùon rí wuǎn ηε kί ye n ηmǎbe mitekjim.»

19 A teke' ki jin' ki ye Uwien te uba nε. A tien' nί mǎn nε. A nín li bεn kί ye isεnpol mǎ teke' ki jin', nε ki te bujewaanciεnbu ni.

20 Ujǎr sin, a yíe rí wuǎn ηε kί ye mitekjim mà ηa sǎnh tùon la, mί yé fεnm nε-εε?

21 Tí'yaajε *Abraham ya tùon bo nε Uwien là ye u yé ugbεmǎndaan ki cuube u'saan, kime u là tuo' Uwien ya ñǎbu bó nε ki taa' u'bijε *Isaak wǎ rí tien lituǎrl liponpuol bo.

22 A laa'-aa! U là ηmǎbe mitekjim nε ki sǎnh mi'tùon mǎ. U'tùon nnǎ nε wuǎn' ki ye u teke' Uwien ki jin' imǎn.

23 Ní tien' tεn nà là kele' *Uwien ya gbǎnku ni nε. Ní kele' ki ye: «*Abraham teke' Uwien ki jin', nεn bo nε Uwien là bù' wǎ ugbεmǎndaan,» ki yin' wǎ u'jǎ.

24 Ni laa'-aa! Itùon bo nε Uwien bùh unisaal ugbεmǎndaan, na yé mitekjim baba bo nε.

25 Nnǎ nε Lahab wà là yé ujεnkpend nnǎ teke' Sosuwe ya tondb kucεnku, ki tǎke' bε ki ye bε rí taa usεnpaankε kί liεbe kί kun. Nεn bo nε Uwien bù' wǎ ugbεmǎndaan.

26 Tǎ, tigbεnεnt ηa ηmǎbe fuorku la, tù kpo' ma nnǎ, nnǎ nε mitekjim mà mǎ ηa ηmǎbe tùon la, mi'mǎ kpo' nε.

3

Li coh mɛn ni'ɛn

¹ N'yaabɛ, la li nuunh mɛn ni'kɛ ɾ li yɛ biwɔn wɔknɔ, kimɛ ni bɛn ki ye Uwien li bu tinbi bɔ wɔknɔ nnɔ tibuur nɛ ɾ li faa kɪ cɛn binitɔb kɛ.

² Kimɛ ti'kɛ biih isɛn yɔ yɛbe ni nɛ. Unil lienh ka tɔreh ki biih la, wɔn nɛ mɔn ki tɪ gben', ki li fre kɪ cuo u'ba.

³ Ti kuɔndeh itaan ya ɱuɔn ni mugbiɛmu, yɪ ɾ li ciuh ti'ɱuɔn bɔ ɱɔ tɪ li freh ki pekreh yɪ nɛ.

⁴ Liike mɛn, iɱercien yɛbe ki kɔɛ ma bo. Ama kutafaabiiku fii' ki tureh yɪ la, biɱerkurb taah tiɱekurlɛnbɛnt tɔ ki kɔreh yɪ, ki cɛreh ɪ joh bi yɛ nɔ bɔ nnɔ waa nɛ.

⁵ Nnɔ nɛ lilɛnl mɔ yɛ nibonwawaann tigbɛnɛnt bo, ama li nɪn wɔngɛh li'ba ki gbiekeh tibont tɔ yɛbe ni nɛ. Liike mɛn, kimukuɔnk li fre kɪ cɛre lifuɔciɛnl ɾ teke umu.

⁶ Tɔ, lilɛnl mɔ te tɛn umu nɛ, ki yɛ mibiɛrm kɛ ɱɛh nɔ saan ki te ti'gbɛnɛnt bo. Li kuɔndeh ti'gbɛnɛnt kɛ tijɔknt, nɛ ki wɪndeh ti'fuobm kɛ. Lilɛnl ya mu nnɔ naan umu wɔ ɱa ɾ kpiin nnɔ ya mu nɛ.

⁷ Unisaal freh ki lɛreh ki coh kumuɔku ni ya wɛnt kɛ ya bol nin inuɔn kɛ ya bol nin tiwɛnt tɔ fuunh kubɛnku bo kɛ ya bol nin ijɛn kɛ ya bol ki dieh.

⁸ Ama lilɛnl ɛn, uba ɱa ɾ fre kɪ cuo lɛ, li lɛbreh ni'kɛ bɔ nɛ, ki bre tɛn tilɔbr, ki kuuleh.

⁹ Ti taah lilɛnl nɛ ki pɛkeh Baa Yonbdaan, ki liɛbe' ki taah ɛn nɛ ki wiɛnh binib bɔ wɔn Yonbdaan Uwien ɱɛn' bɛ, bi naan wɔ nnɔ miɱɔum.

¹⁰ Buɱɔbaabu bua pɛkeh wɔn Yonbdaan Uwien nnɔ, bun nɛ liɛbe' ki wiɛnh binib mɔ miɱɔum. N'yaabɛ, na mɔn nɛ ɾ li te nnɔ.

11 Liñunbunl liba li fre kí bunge uñunbúnnun uba ni miñunm mà ημε nin mà lélke nba bo-oo?

12 N'yaabe, bukenkenbu li fre kí lùon isàan-ii*? Bii isiin yà bi taah i'bii ki ηeh fen nnə li fre kí lùon ikenken-ii? Nnə ne liñunbunl liba mə ηa í fre kí bunge miñunm mà lélke nin mà ημε nba bo.

Miyenfuom mà ñen' paaki bó

13 Unil te ni'ni ki ηməbe miyenfuom nin mibenm la, wə í cère u'tetemənmənm í wuəñ kí ye u ηməbe mə, kí li ηməbe lifèsəngl, kí li ηməbe miyenfuom u'tùon ke ni.

14 Ama iponponbbiere yebe ni'fèl ni, ne ni ηməbe kunaniərku təb bo la, la pèkeh men ni'ba ki nendeh ki teh ni yé bigbeməndənb.

15 Mi ya yenfuom ya bol ηa ñen' paaki bó, ama mí yé uηəndun nin unisaal ya yenfuom ne, ki tonde' ki yé usepol yaam.

16 Kimə iponponbe nin kunaniərku te nà saan la, fənfənm nin itùonbiere ke ya bol mə te nen ne.

17 Ama miyenfuom mà ñen' paaki bó nnə, ηa ηməbe jəknt, ne ki dienh uyənduəñ, ki cèreh kuñətaaku te, ki cèreh unil muəh u'tə micεεkm, ki sənh itùonmənməñ. Mi ya yenfuom ηa ηməbe gəngənde, ka cèreh nil yé ñuəñ ilele ya nil mə.

18 Bà nuunh binib ya yənm í li də nnə, bi sənh uyənduəñ ya tùon ne, ne bi'tùon nnə cèreh binib teh nà cuube Uwien ya nun bó.

4

Uηəndun ya jə yé Uwien ya nennend ne

* **3:12** Bi lebre' liñəbonl là ki ye isàan nnə; li kele' Grekmbε ya lenm ni ki *Olifi* ya bii ne.

1 Ifinfinde nin ikònkòn ñen' la ni'ni? I ñen' iyenmaalbiere yà te ni'fèl ni ki jèndeh ne nnò ni ne.

2 Ni'nun mòn tibont bo, ama na rí fre kí le tù. Ni ñmàbe iponponbe ki kuuleh ni'tàb; nin nen ke na lenh niba. Nen ne cère' ni findeh, ki kòn timer. Na ñmàbe niba, kimε na mieh Wien.

3 Ni mieh mòn la, na lenh, kimε ni'yenmaale ña mòn. Ni mieh ki nuunh ní li teh ni'yenm yíe nà ne.

4 Ni yé binib bà ña cuube Uwien saan ne. Na ben ki ye unil yíe unendun la, u yé Uwien ya nennend ne-εε? Wà nuunh wò rí jore nin unendun la, u kpendeh Uwien ya nennend ne.

5 Bii ni maaleh ki teh nà kele' *Uwien ya gbòku ni ki ye: «Uwien ña sè u'Fuoñaanm mà te ti'ni nnò bo nnò» yé fεnm ne-εε?

6 Ama Uwien juoke' te ki tĩ gbien', kimε nĩ kele' u'gbòku ni ki ye:

«Uwien nen bà ñmàbe tigbengt, ama u teh bà jindeh bi'ba tingi tinimònt.»

7 Li boh men Uwien, kí tuobe usenpol nin timer ñò wò rí sen kí jende ni'saan.

8 Nεkn men Uwien, u'mò li nekn ne. Bibierdenbe, tùore men ni'ba. Ninbi ifuòn ilele ya nibe, wende men ni'fèl.

9 Bende men kí ye ni te micεckm ni, kí li muòh ikumuò. Cère men ni'laar rí kpende imuò, kí cère ni'yensange mò rí kpende uyensaa.

10 Jiin men ni'ba tingi Yonbdaan Uwien ya nun bó, ñò wò rí kpieke ne.

La buh men tàb buur

11 N'yaabe, la lienh men tàb bo fenfenm. Unil lienh u'tò bo fenfenm bii u biindeh wò la, u lienh yiko bo ne fenfenm ki teh wa mòn. Unil ye yiko ña

mən la, wa ji boh wə, ama u nuunh wə ń lèbre wə kɪ tien wən yíe ma bo nɛ.

¹² Uwien baba nɛ dienh *yiko, ki yé wà buh tibuur. Wən nɛ li fre kɪ ɲmiɛn unil, kɪ liɛbe kɪ fre kɪ ku wə mə. Sin, unilə, a yé ɲmɛ nɛ ki biindeh a'tə?

La ɲməbe mɛn gbengt

¹³ Cenge mɛn fɛnfɛnnə, ninbi bà lienh ki teh: «Dinnə bii wenli, ti li jo wuu ya du ni, kɪ tɪ tien libinl liba, kɪ tien ukpenkpende kɪ lɛ kpɛle nnə,»

¹⁴ na bɛn nà li wun tu nɛ? Ni'miɛl yé ba? Ni naan ligunl nɛ. Lɪ lu' la, na ń wuəke nɛ lè ń pək kɪ gben.

¹⁵ Ni bi li lienh ki teh: «Yonbdaan Uwien yíe ki cère' ti fuobe la, ti li tien niɛ nin niɛ nə nɛ.»

¹⁶ Ama fɛnfɛnnə ni ɲməbe tigbengt nɛ ki wəngɛh ni'ba. Tu ya gbengt ya bol ɲa mən.

¹⁷ Nɛn bo, unil bɛn mimən m ya tien m, ka teh mè la, u tien' ibiɛre nɛ.

5

Ni bre bifàadɛnb bo

¹ Cenge mɛn fɛnfɛnnə, ninbi bifàadɛnbɛ: muə mɛn kɪ kpiɛnde micɛɛkm mà lá li tu nɛ nnə bo.

² Ni'faal yon'-a! Likuotuul mə mən' ni'kpɛlcɛr-a!

³ Ni'ɲəkm nin ni'like ya kur kən' itɛnmón ɲə. I ya tɛnmón nɛ li cère bɛ ń biin nɛ. I li ɲmən nɛ tɛn umu nɛ. Uɲɛndun bɛnh wù ń gben nɛ, nin nɛn kɛ ni kùleh lifaal ki cokndeh.

⁴ Liike mɛn, bitonsənb bà taan' ni'kpàan ni ya jier, ɲə ni yíe' ka pèn' bɛ bi'paaku kɛ nnə muəh ku'bo. Nɛ bi'muə nnə lu' Yonbdaan Uwien, mituəm kɛ ya daan ya tubl ni.

⁵ Ni te liwiel ni nε uηendun wuu ni, ki teh nà sɔnge ni'yεnm, ki jinh ki gbengreh tɛn bi jindeh tiwεnt tà tù ní gbenge bε ní kù.

⁶ Ni biin' binib bà ηa bii' niba ki ku' bε, ba kɔn' bi'ba bo.

Kuminku nin ikaare ya gber

⁷ N'yaabε, li ηmɔbe mɛn kuminku kí tí baa Yonbdaan ya baam. Liike mɛn, ukpaal ηmɔbe kuminku kùa ya bol. U tí ní gu uyo wà u'kpàabu ya jier li tien mɔnmɔnm nε kí cin utɛkpiɛk kí tí baa utɛfɔrkε.

⁸ Ni'mɔ ní taa mɛn kuminku, kí li faakreh ni'ba, kimε uyo wà Yonbdaan li baa ní nnɔ nɛkn' ní ηɔ!

⁹ N'yaabε, la po mɛn tɔb bo, ηɔ Uwien la lá bu nε buur. Liike mɛn, wà li bu tibuur nnɔ baa' ki gben'-a!

¹⁰ N'yaabε, li tòkreh mɛn Uwien ya ñɔbonsɔknb bà là len' Yonbdaan ya yel bo nnɔ ya jɛnd nin bi'minku.

¹¹ Ti lienh binib bà ηmɔbe kuminku ijɛnd ni ki tí gben' nnɔ bo nε ki teh Yonbdaan ya mɔnm te bi'bo. Ni cii' Sɔb là ηmɔbe kuminku kùa ya bol, ki bɛn Yonbdaan là tien' nà ki de' wɔ ijɛnd nnɔ ya gbenm. Kimε Yonbdaan ηmɔbe lifèsɔngl ki gbien', ki muɔh binib micεckm.

¹² N'yaabε, nibonn kε ni, la pole mɛn taaku, ki niireh nin tink, ki la pole bonn niba nin nitɔnn. Nɛn bo, ni len' ki ye: «Nì te nnɔ la, nè ñ lí te nnɔ,» ni tí ye: «Na te nnɔ la, ñ lá li te nnɔ», ηɔ ni la lu Uwien ya buur ni.

Li kàareh mɛn ki dienb biwienb

¹³ Ni'ni uba te ijend ni la, wə́ rí li kàareh. Ni'ni uba ηməbe uyensənge la, wə́ rí li gəh iyuon ki dondeh Uwien.

¹⁴ Ni'ni uba bun la, wə́ rí yin Kristo ya taanl ya cienb, bέ rí kàare kí de wə́, kí taa mikpəm kí fanfaan wə́ Yonbdaan ya yel bo.

¹⁵ Bi kàare' nin mitekjim la, Yonbdaan li cère uwien nnə́ rí faake, kí cère wə́ rí fii. U tien' ibiere mənən la, u li fère wə́ yí.

¹⁶ Nən bo, li təkəh mən təb ni'tùonbiere, kí li kàareh ki dienh təb, ηə́ Uwien rí de nέ laanfie, kimέ ugbe mə̀ndaan ya kaare ηməbe mituəm ki gbien'.

¹⁷ *Eli là yé unisaal tən tinbi nέ, ki kàare' nin inunmón ki ye taa la nii. Nέ taa ηa tuore' tink bo haali ibin ita nin inmaale iluob.

¹⁸ U tí liebe' ki kàare', nέ Uwien cère utaa nii', kitink sɔnge' nέ tijier tien'.

¹⁹ N'yaabέ, ni'ni uba tùre' tigbe mə̀nt ya sən ηə́ utə́ jiiin' wə́ ní la,

²⁰ udaan rí li bən kí ye: «Unil jiiin' ubierdaan wà tùre' tigbe mə̀nt ya sən la, u ηmien' udaan nέ, ki li cère Uwien rí fère ibiere í yebe.»

Uwien ya Jɔtiefɛnku ya gbɔnku
The New Testament in the Ngangam language of Togo
copyright © 2011 Wycliffe Bible Translators, Inc.

Language: Ngangam

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Ngangam

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022
f30fbe0b-cda1-5a60-a4ee-8be80c6caef6